

von Wulf Wager

AIDA statt Aldrsheim



Also Leutla, i han jetzt beschlossa, wia i mei Aldr verbrennga will. I gang amol net ens Aldrsheim sondrn uf d' AIDA. Onser Xondheitsminister hot gsait "Die durchschnittlichen Kosten für ein Altersheim betragen 200 Euro am Tag". I han jetzt a Reservierung für des Kreuzfahrtschiff AIDA und muaß für a Langzeitreise als Rentner 135 Euro pro Dag zahla. No

bleibat mir noch Adam Riese no 65 Euro pro Dag iibrig für:

1. Trinkgelder: 10 Euro/Tag
2. I han mindeschtens zehn Mahlzeita frei.
3. I kann wähla zwischa drei SwimmingPools, ma Fitneßraum, freie Benutzong von Waschmaschee ond Drocknr. Außerdem geit's jeden Obend a Show.
4. Es geit koschtalos Zahnpaschta, Rasierer, Soif ond Schampuu.
5. Des Personal behandelt mi wia an Kunda ond net wia an Patienta. Für 5 Euro extra jeden Dag lesat mir die Stewarts jeden Wunsch vo de Auga a.
6. Alle acht bis 14 Dag lern i neue Leut kenna.
7. Frische Bettwäsch geit's jeden Dag.
8. Wenn i em Altersheim nahagle ond mir was brech, komm i en a Mehrbettzimmer ond muaß ordentlich drufzahla. Wenn des Gleiche uf dr AIDA passiert, krieg i a Suite ond werd vom Bordarzt koschtalos verarztet.

Ond des Beschte: Mit dr AIDA ka i noch Südamerika, Afrika, Auschdralia, Norwegen ... wo emmer i na will. Dorom gang i net en a Aldrsheim, sondern uf d' AIDA. Do spar i jeden Dag 50 Euro on die muaß i net amol für d' Beerdigung spara. Mei letschter Wunsch isch dann bloß: Schmeißat mi oifach über d' Reling. Des isch nämlich au koschtalos. So Leutla, des isch mei persönlicher Plan für 's Aldr. Ond wia machatIhr's?

Bis näggschd Woch

Ihr

A handwritten signature in black ink, appearing to read 'Wulf Wager'. The signature is stylized and written over a white background.

Alle Kolumna zom Nochlesa ondr www.woascht.de odr em Facebook em Wulf Wager Fanclub